

ხელშეკრულება №181/16

(საკუთარი სახსრები)

ქ. თბილისი

“6” ოქტომბერი 2016 წ.

ჩვენ, ქვემოთ ხელის მომწერნი, ერთის მხრივ, შპს „საქართველოს მელიორაცია“, (შემდგომში - შემსყიდველი ორგანიზაცია), წარმოდგენილი კომპანიის გენერალური დირექტორის ლევან დვალის სახით და მეორეს მხრივ, ინდ. მეწარმე „მირზა ბეროშვილი“ (შემდგომში-მიმწოდებელი) სახით, ვხელმძღვანელობთ რა საქართველოში მოქმედი კანონმდებლობით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტისა და მოხსენებითი ბარათის შ-12997 საფუძველზე ერთპირთან მოლაპარაკების საშუალებით ვდებთ წინამდებარე ხელშეკრულებას შემდეგზე:

1. ხელშეკრულების საგანი

- 1.1 ხელშეკრულების საგანია (შემდგომში-შესყიდვის ობიექტი) დიზელ გენერატორის ძრავის შეკეთების მომსახურების შესყიდვა, დანართი №1-ში მოცემული კონკრეტული მომსახურების სახის, ფასის და CPV კოდის შესაბამისად. (დანართი №1 თან ერთვის აღნიშნულ ხელშეკრულებას და ითვლება მის განუყოფელ ნაწილად)

2. შესყიდვის ობიექტის ღირებულება

- 2.1. გასაწევი მომსახურების ღირებულება შეადგენს 1025.00 (ერთიათას ოცდახუთი ლარი და 00 თეთრი) ლარს.
2.2. გასაწევი მომსახურების ფასი და ხელშეკრულების ფასი შეიცავს მიმწოდებლის ყველა ხარჯებსა და საქართველოს კანონმდებლობით დადგენილ ყველა გადასახადს, დაკავშირებულს მომსახურების გაწევასთან.
2.3. შესყიდვის ობიექტის ერთეულის ფასები მოცემულია №1 დანართში.

3. შესყიდვის ობიექტის მიწოდების ვადები

- 3.1. მიმწოდებელი ვალდებულია ხელშეკრულებით გათვალისწინებული მომსახურება დაიწყოს ხელშეკრულების გაფორმების დღიდან და დაასრულოს 2016 წლის 31 ოქტომბრის ჩათვლით.

4. შესყიდვის ობიექტის მიღება-ჩაბარების წესი

- 4.1. მომსახურება ჩაითვლება გაწეულად შესაბამისი მიღება-ჩაბარების აქტის გაფორმების შემდეგ.
4.2. 4.1 პუნქტით გათვალისწინებული მიღება-ჩაბარების აქტის გაფორმებაზე პასუხისმგებელ პირს წარმოადგენს შპს „საქართველოს მელიორაციის“ ქვემო ქართლის რეგიონის ექსპლუატაციის ცენტრის მექანიზატორი როსტომ ოქრომელიძე.

5. ანგარიშსწორების ფორმა, ვადა და ადგილი

- 5.1. მიმწოდებელთან ანგარიშსწორება განხორციელდება ლარებში.
5.2. მიმწოდებელს გაწეული მომსახურების ღირებულება აუნაზღაურდება უნააღაურებელი ანგარიშსწორებით, ფაქტიურად გაწეული მომსახურების ღირებულების შესაბამისად, მომსახურების დასრულების შემდეგ გაფორმებული მიღება-ჩაბარების აქტის და საქართველოს კანონმდებლობით გათვალისწინებული შესაბამისი დოკუმენტების წარმოდგენიდან 10 (ათი) სამუშაო დღის განმავლობაში.

6. მხარეთა უფლება-მოვალეობანი

- 6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.
6.2. შემსყიდველი ორგანიზაცია ვალდებულია:
- ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს გაწეული მომსახურების ღირებულება.
6.3. შემსყიდველ ორგანიზაციას უფლება აქვს:
- განახორციელოს კონტროლი მიმწოდებლის მიერ ხელშეკრულებით ნაკისრი ვალდებულებების შესრულებაზე;
- მოსთხოვოს მიმწოდებელს გაწეული მომსახურების კონტროლის შედეგად გამოვლენილი დეფექტების აღმოფხვრა შემსყიდველი ორგანიზაციის მხრიდან რაიმე დამატებითი დანახარჯის გაწევის გარეშე.
6.4. მიმწოდებელი ვალდებულია:

- გაუწიოს მომსახურება შემსყიდველ ორგანიზაციას ხელშეკრულებით გათვალისწინებული პირობების შესაბამისად;
 - მიაწოდოს „შემსყიდველს“ სრულყოფილი და დროული მომსახურება;
 - ხელშეკრულების გაფორმებისთანავე მოახდინოს გენერატორის შემოწმება, შეადგინოს ანგარიში და ჩააბაროს შემსყიდველს.
 - უზრუნველყოს მომსახურების გაწევა არსებული უსაფრთხოების წესების დაცვით.
 - კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;
 - დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;
 - საკუთარი ხარჯებით უზრუნველყოს გაწეული მომსახურების ინსპექტირების შედეგად გამოვლენილი დეფექტების აღმოფხვრა;
 - დაიცვას ხელშეკრულებით გათვალისწინებული ყველა პირობა.
- 6.5. მიმწოდებელს უფლება აქვს:
- მოსთხოვოს შემსყიდველ ორგანიზაციას გაწეული მომსახურების ღირებულების ანაზღაურება ხელშეკრულებით გათვალისწინებული პირობების შესაბამისად.

7. გარანტია და ხელშეკრულების პირობების კონტროლი

- 7.1. მიმწოდებელი იძლევა გარანტიას, რომ მის მიერ გაწეული მომსახურება განხორციელდება მაღალხარისხოვნად, აღნიშნულ მომსახურებაზე არსებული ნორმების და სტანდარტების სრული დაცვითა და ხელშეკრულებით გათვალისწინებული პირობების შესაბამისად, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს გამოვლენილი ხარვეზის გამოსწორება შემსყიდველის მხრიდან შეტყობინების მიღებიდან დაუყოვნებლივ, მაგრამ არა უგვიანეს 2 (ორი) კალენდარული დღისა.
- 7.2. ხელშეკრულების პირობების შესრულებაზე კონტროლს განახორციელებს შპს „საქართველოს მელიორაციის“ ქვემო ქართლის რეგიონის ექსპლუატაციის ცენტრის უფროსი ზურაბ ქაჯაია.

8. მხარეთა პასუხისმგებლობა ხელშეკრულების პირობების დარღვევისას

- 8.1. შემსყიდველი უფლებამოსილია ამ ხელშეკრულების 3.1 პუნქტით გათვალისწინებული ვადის დარღვევის შემთხვევაში დააკისროს მიმწოდებელს პირგასამტეხელო ყოველ ვადაგადაცილებულ დღეზე ხელშეკრულების საერთო ღირებულების 5 %-ის ოდენობით;
- 8.2. შემსყიდველი უფლებამოსილია ამ ხელშეკრულების 7.1 პუნქტით გათვალისწინებული ვად(ებ)ის გადაცილების შემთხვევაში ყოველ კონკრეტულ ფაქტზე დააკისროს მიმწოდებელს პირგასამტეხელო ყოველ ვადაგადაცილებულ დღეზე ხელშეკრულების საერთო ღირებულების 5 %-ის ოდენობით;
- 8.3. მიმწოდებელი უფლებამოსილია ამ ხელშეკრულების 5.2 პუნქტით გათვალისწინებული ვადის გადაცილების შემთხვევაში დააკისროს შემსყიდველს პირგასამტეხელო ყოველ ვადაგადაცილებულ დღეზე მოცემულ მომენტში გადასარიცხი თანხის 5 %-ის ოდენობით;
- 8.4. იმ შემთხვევაში თუ ხელშეკრულების 8.1. პუნქტით გათვალისწინებული პირგასამტეხლოს რაოდენობა მიაღწევს მთლიანი სახელშეკრულებო ღირებულების 50%-ს, შემსყიდველს უფლება აქვს ნებისმიერ დროს ცალმხრივად შეწყვიტოს ხელშეკრულება. ხელშეკრულების შეწყვეტა არ ათავისუფლებს მიმწოდებელს ხელშეკრულების პირობების შეუსრულებლობისათვის გათვალისწინებული პასუხისმგებლობიდან.

9. ფორს-მაჟორული სიტუაციები

- 9.1. მხარეები პასუხისმგებელნი არ არიან თავიანთ ვალდებულებათა სრულად ან ნაწილობრივ შეუსრულებლობაზე, თუ ის გამოწვეულია ისეთი გარემოებებით, როგორცაა: წყალდიდობა, ხანძარი, მიწისძვრა და სხვა სტიქიური მოვლენები, აგრეთვე საომარი მოქმედებები, რომლებიც უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევის შესაბამისი დროით, ხელისშემშლელ გარემოებათა აღმოფხვრის შემდეგ.
- 9.2. თუ ფორს-მაჟორული გარემოებების გამო სახელშეკრულებო ვალდებულებების მთლიანი ან ნაწილობრივი შეუსრულებლობა გრძელდება ორ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე. მხარე, რომელსაც შეექმნა ფორს-მაჟორის გარემოება, დაუყოვნებლივ აცნობებს ამის შესახებ მეორე მხარეს.
- 9.3. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

10. ხელშეკრულების პირობების გადასინჯვა

- 10.1. ხელშეკრულებების პირობების შეცვლა დაუშვებელია, თუ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ფასის ცვლილება დასაშვებია არაუმეტეს 10%-ისა.
- 10.2. ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევაში. ნებისმიერი ცვლილება და დამატება ხელშეკრულებაში შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

11. ხელშეკრულების მოქმედების ვადა

- 11.1. ხელშეკრულება ძალაშია მხარეთა მიერ მასზე ხელმოწერის დღიდან და მოქმედებს 2016 წლის 30 ნოემბრის ჩათვლით.

12. დავა და მისი გადაწყვეტის წესი

- 12.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.
- 12.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს კანონმდებლობით დადგენილი წესით.

13. სხვა პირობები

- 13.1. საკითხები, რომელიც არ არის გათვალისწინებული ამ ხელშეკრულებით, რეგულირდება საქართველოს კანონმდებლობით დადგენილი წესით.
- 13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 13.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 13.4. მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.
- 13.5. ხელშეკრულება შედგენილია ქართულ ენაზე 3 (სამი) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (2 ეგზემპლარი შემსყიდველთან, 1 ეგზემპლარი მიმწოდებელთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14. მხარეთა იურიდიული მისამართები და რეკვიზიტები, მხარეების წარმომადგენელთა ხელმოწერები, ბეჭედი

„შემსყიდველი“

შპს „საქართველოს მელიორაცია“

ქ.თბილისი, მარშალ გელოვანის გამზ. N6.

ბანკის კოდი: BAGAGE22

სს: საქართველოს ბანკი;

ა/ა: GE58BG0000000182323100

საიდენტიფიკაციო კოდი: 204524568

ლევან დვალბა

გენერალური დირექტორი

„მიმწოდებელი“

ი.მ. „მირზა ბეროშვილი“

საიდენტიფიკაციო კოდი 45001003575

მის. ყვარელი, სოფ. გავაზი

ბანკის კოდი: BAGAGE22

სს: საქართველოს ბანკი;

ა/ა: GE28BG0000000515827100



მირზა ბეროშვილი

ინდ. მეწარმე

2016 წლის 6 ოქტომბრის
N181/16 ხელშეკრულების
დანართი N1

N	მომსახურების დასახელება	CPV კოდი	საერთო ფასი
1	დიზელ გენერატორის ძრავის შეკეთება (აღდგენა) 1. ძრავის დაშლა-აწყობა. 2. დაზიანებული ნაწილების აღდგენა. 3. დაზიანებული ნაწილების ახლით შეცვლა. 4. ძრავის ზეთის შეცვლა. 5. საწვავის სისტემის აღდგენა-შეკეთება (მაღალი წნევის ტუმბოს შეკეთება და ფრქვევანების გამოცვლა) 6. ელექტრო სისტემის შემოწმება-აღდგენა.	50532300	1025.00
სულ:			1025.00

„შემსყიდველი“

შ.პ.ს „საქართველოს მელიორაცია“



გენერალური დირექტორი:

ლევან დვალი

„მიმწოდებელი“

ინდ. მეწარმე „მირზა ბეროშვილი“

ინდ. მეწარმე:

მირზა ბეროშვილი